

# PERPUSTAKAAN MELAYU

## “Masyarakat dan Syariat”

“Sudah lama Islam dianiyai orang, dikecil, disempit dan dijatuhkan mereka- dalam pandangan dan perbuatan. Tetapi sebagai satu kebenaran dan keadilan ia bangun, merebak dan besar semula. Islam adalah dalam perjalanan menuju tempat asalnya- agung, kuat dan pembela hidup manusia dan dunia.” Demikian kata pengarang al-Ustādh “Dhūlkiflī Muḥammad” seorang pelajar Melayu lepasan Universiti Mesir yang terkenal.

Jika tuan mahu meluaskan pengetahuan tentang faham Islam yang tulen yang dikupas dengan tegas dan berani, bacalah buku “Masyarakat dan Syariat” diterbitkan oleh Maktabah al-Hājj ‘Abdullāh Bin Muḥammad Nūr al-Din al-Rāwī Pulau Pinang.

## Islam dan Masyarakat.

Walaupun buku ini comel (70 muka) tetapi Tuan “Agam Dār al-Na‘īm” pengarangnya telah mengupas beberapa perkara yang penting terutama sal kaum perempuan dengan kupasan seorang pelajar Islam. Di antara kandungan: Islam dan akhlak, perempuan dan masyarakat. Perempuan dan hak-haknya, Islam dan pergaulan bebas, perempuan dan siyasah dan perkahwinan dalam Islam.

## “Peri Bahasa”

Bahasa Melayu kita memang kaya dengan peri bahasa. Beribu-ribu peri bahasa telah dikumpulkan dan dijadikan kitab, baik di Malaya atau di Indonesia. Dalam pada itu masih banyak lagi yang belum terkumpul.

275 perbincangan telah dikumpul dan diatur oleh

A. Muḥammad Yūsuf Muṣṭafā khas bagi kanak-kanak sekolah

Melayu dalam buku “Peri Bahasa” yang diterbitkan oleh “Lembaga Persuratan Kesatuan Guru-Guru Melayu Kelantan”.

## “Madah Sukma”

“Sungguh pun gubahan ini tidak cukup baik tentang qafihnya(persamaan bunyi hujung) dan tentang timbangan atau sukatan rentaknya jika mengikut ukuran dara lama, tetapi fikiran yang enajdi isinya baik, dan gambaran yang dipetakan oleh perkataannya cantik....” Kata Tuan Za‘ba dalam kata-kata sambutannya.

Di antara isinya: petang minggu, termenung, mengikat janji, nafsu bergelora, sanjung iblis...., dalam bahagian ini pengarangannya bermadah:

Tujuh benua hamba mengembara

Tujuh gunung abdi panjat

Belajar patik tujuh saudara

Mencari ramuan aksir hayat.

Nil, Farat, Zam zam dan Kauthar

Air penyiram peyubur pohon

Dipetik dipilih yang ranum besar

Diperah digunakan bertahun-tahun.

Buku ini gubahan “*al-Tā’dib*” dan diterbitkan oleh Maktabah al-Hājj ‘Abdullāh al-Rāwī, Pulau Pinang.

## “Permulaan Baca Tulis bahasa Melayu”

Dalam masa Bahasa Melayu sedang dipupuk, dibaca dan Diperjuangkan kedaulatannya, A ‘Ārifin bin Hāji Aliyas telah Berusaha menyusun risalah “Permulaan Baca Tulisan Bahasa Melayu” dengan mengandungi sebelas permulaan bagi orang-orang yang hendak mempelajari Bahasa Melayu dengan betul. Risalah ini diterbitkan oleh Jabatan Agama Johor.

Atas hadiah-hadiah yang berharga ini diucapkan berbilang-banyak terima kasih dan selamat maju persuratan Melayu.

-Pengarang.